



REGLUR UM LAUN HIJÁ AKRANESKAUPSTAÐ TIL BÆJARFULLTRÚA OG FYRIR SETU Í RÁÐUM, NEFNDUM OG STARFSHÓPUM

Með vísan til 32. gr. sveitarstjórnarlaga nr. 138/2011 og 39. gr. samþykktar um stjórn og fundarsköp Akraneskaupstaðar frá 27. júní 2013 hefur bæjarstjórn samþykkt að laun bæjarstjórnar og kjörinna nefnda og starfshópa á vegum bæjarins skuli vera eftirfarandi:

1. Laun bæjarfulltrúa

Laun bæjarstjórnar, forseta bæjarstjórnar, formanna ráða og fulltrúa í ráðum á vegum bæjarins skulu vera hlutfall af þingfararkaupi alþingismanna (kr. 712.030)¹:

Bæjarstjórn (öll – grunnlaun)	19,0% (kr. 135.286)
Bæjarfulltrúar til viðbótar:	
Forseti bæjarstjórnar	25,7% (kr. 182.992)
Formaður ráðs	19,0% (kr. 135.286)
Seta í ráði	12,4% (kr. 88.292)
Varamenn:	
Bæjarstjórn	6,3% (kr. 44.858) fyrir hvern fund
Í ráði	6,3% (kr. 44.858) fyrir hvern fund

Sæki bæjarfulltrúi nefndarfundi eða ráðstefnu utan lögsagnarumdæmis Akraness samkvæmt ákvörðun bæjarráðs skal greiða 2% (kr. 14.241) af þingfararkaupi fyrir hvern dag auk ferðakostnaðar.

Greiða skal vegna aksturs á fundi á vegum Akraneskaupstaðar utan bæjarfélagsins kílómetragjald samkvæmt ákvörðun ferðakostnaðarnefndar ríkisins og samkvæmt útfylltri akstursdagbók hvers bæjarfulltrúa.

Bæjarfulltrúar skulu frá greiddar kr. 10.000 á mánuði fyrir notkun á eigin síma og greitt er fyrir heimtengingu vegna tölvu skv. samningum Akraneskaupstaðar á hverjum tíma um slíka þjónustu.

Kjörnir bæjarfulltrúar eiga rétt á að sækja námskeið og ráðstefnur innanlands eða erlendis um málefni sveitarfélaga og leggur bæjarsjóður til allt að kr. 35.000 á ári fyrir hvern bæjarfulltrúa eða samtals kr. 140.000 á kjörtímabilinu. Áskilið er að ráðstefnan eða námskeiðið sé skipulagt á vegum Sambands íslenskra sveitarfélaga eða sambærilegs aðila.

Laun bæjarfulltrúa og akstursþóknun skulu greidd mánaðarlega.

Bæjarfulltrúar skulu í störfum sínum á vegum kaupstaðarins vera slysatryggðir skv. almennri slysatryggingu.

¹ Fjárhæð uppfærð miðað við ákvörðun kjararáðs dags. 17. nóvember 2015.



2. Laun fyrir setu í nefndum og starfshópum

Laun nefnda skulu vera hlutfall af 133. launaflokki (kr. 321.256)² skv. kjarasamningi Starfsmannafélags Reykjavíkurborgar og Sambands íslenskra sveitarfélaga.

Formenn nefnda fá greitt 8,5% (kr. 27.307) fyrir hvern fund.

Almennir fulltrúar í nefndum fá greitt 4,5% (kr. 14.457) fyrir hvern fund.

Laun til nefnda og starfshópa sem vinna að sérstökum tímabundnum verkefnum (s.s. kjörstjórnir) og annarra nefnda eða starfshópa sem ekki starfa reglubundið skulu ákveðin sérstaklega hverju sinni af bæjarráði.

Fulltrúar sem bæjarstjórn, bæjarráð eða fastanefnd kýs samkvæmt reglugerðum eða samþykktum í stjórnir, ráð o.þ.h. fá greitt 4,5% (kr. 14.457) fyrir hvern fund sé fundarþóknun ekki greidd af viðkomandi stofnun.

Starfsmenn Akraneskaupstaðar fá ekki greiðslur fyrir framangreinda fundi.

Skólastjórar grunnskóla, leikskólastjórar, skólastjóri tónlistarskóla og aðrir þeir fulltrúar sem lögum samkvæmt er skylt að hafa til staðar á fundum skóla- og frístundaráðs er málefni tengd þessum stofnunum eru til umfjöllunar skulu fá greitt 2,0% (kr. 6.425) fyrir hvern fund.

Sæki fulltrúi fastra eða sérstakra nefnda fundi eða ráðstefnur utan lögsagnarumdæmis Akraness skal greiða 2% (kr. 14.241) af þingfararkaupi auk ferðakostnaðar. Greiðsla samkvæmt þessum lið er háð því að bæjarráð hafi samþykkt að senda viðkomandi aðila og ekki komi til greiðsla annarra nefndarlauna.

Nefndarlaun skulu greidd fjórum sinnum á ári og miðast við framlagðar fundargerðir fyrir bæjarstjórn.

3. Önnur réttindi

Greitt er 8% mótframlag vinnuveitanda í lífeyrissjóð. Greitt er mótframlag vegna séreignasjóðs fari kjörinn fulltrúi fram á slíkt.

Forfallist formenn nefnda í lengri tíma en tvo mánuði tekur varaformaður laun sem formaður meðan hann gegnir því starfi.

Framangreindar fjárhæðir miðast við gildandi launatöflur og taka breytingum samkvæmt ákvörðun Alþingis um þingfarakaup og samkvæmt kjarasamningi Starfsmannafélags Reykjavíkurborgar og Launanevndar sveitarfélaga.

Bæjarfulltrúi á rétt á biðlaunum er hann lætur af störfum. Biðlaun skulu miðast við grunnlaun bæjarfulltrúa og skal greiða laun hálf mánaðar fyrir hvert ár sem bæjarfulltrúi hefur setið í bæjarstjórn en að hámarki í þrjá mánuði, að teknu tilliti til sumarorlofs.

² Fjárhæðir uppfærðar samkvæmt kjarasamningi samningsaðila skv. gildistíma 1. maí 2015 til 31. mars 2019.



4. Gildistaka

Reglur þessar öðlast gildi 10. júní 2014.

Samþykkt í bæjarstjórn Akraneskaupstaðar þann 10. júní 2014.

Akranesi, 10. júní 2014


Regína Ásvaldsdóttir
bæjarstjóri